

## 3 - 5 JAAR

### REËLS EN REGULASIES



KAMMALAND LORRAINE is 'n Christelike voorskoolse kinderontwikkelingsentrum wat geregistreer is by die Departement van Onderwys en offer 'n kurrikulum gebaseer op die ELDA-program (Early Learning Development Areas) vir kinders vanaf die ouderdom 0 – 5. Ons wil graag net die beste diens lewer aan u en u kind en daarom vra ons mooi: Lees asseblief die volgende informasie en bêre op 'n veilige plek. Indien u enige navrae het, is u meer as welkom om ons 'n luitjie te gee.

### **OUDERDOM:**

#### **KINDERS VANAF 3 TOT 5 JAAR**

### **FOOIE:**

**REGISTRASIE FOOIE** vir nuwe inskrywings: R300 betaalbaar saam met inhandiging van inskrywingsvorm.

**REGISTRASIE FOOIE** vir her-inskrywing: R150 betaalbaar saam met inhandiging van her-inskrywingsvorm.

Hierdie registrasie fooie is nie terugbetaalbaar nie.

Foosie is oor 'n jaar uitgewerk en die bedrag is in 12 eweredige paaiemente verdeel. Foosie is 'n maand vooruitbetaalbaar. Rente van 5% sal op die uitstaande bedrag gehef word indien dit nie betaal is teen die 7de van die maand nie. Indien die paaiement nog steeds uitstaande is teen die 15de van die maand sal u kind toegang tot die skool geweier word. **Eerste betaling vir die jaar moet gemaak word teen 7 Januarie en laaste betaling van die jaar moet gemaak word teen 7 Desember.**

### **Let asb op die volgende:**

- Die skool is gesluit gedurende Desember en Januarie vir 'n periode van 13 – 14 werksdae. Ons sal die finale datums vir ons jaarlikse sluiting aankondig teen Junie/Julie sodat ouers/voogde genoegsame tyd het om verlov vir die jaar te beplan.
- Die skool is ook gesluit op publieke vakansiedae en skoolvakansiedae. Skoolvakansiedae gebeur wanneer die publieke vakansiedag op 'n Dinsdag of Donderdag val en die Maandag of Vrydag 'n skoolvakansiedag verklaar word.
- Normale maandelikse foosie is betaalbaar gedurende Desember en Januarie - GEEN afslag word toegeken nie.
- Ons kry gereeld navrae oor hoekom foosie in Januarie en Desember betaal moet word. Ons offer die geleentheid om skoolfonds oor 12 maande af te betaal i.p.v. eenmalig. Ouers/Voogde is meer as welkom om eie diskresie te gebruik en elke maand ekstra te betaal om die jaarlikse foosie vroeër klaar te betaal.
- GEEN terugbetalings vir enige afwesigheid word onderneem nie.
- Indien die skool moet sluit vir enige rede buite ons beheer, sal foosie ten volle nog betaal moet word (bv. Covid pandemie).
- Gebruik asb u kind se naam en van as verwysing wanneer u betaling maak. Weens veiligheidsredes word geen kontant by die skool aangehou nie en ons versoek dat skoolfonds elektronies oorbetal word.
- Foosie wat ten volle betaal is teen EINDE JANUARIE sal 'n 10% AFSLAG ontvang. Foosie wat ten volle betaal is teen EINDE FEBRUARIE sal 'n 5% AFSLAG kry. Geen afslag word geoffer vir foosie wat ten volle betaal is vanaf 1 Maart nie.

- Ons doen nie verdeelde fakture tussen ouers nie. Ons rekeningkundige sisteem laat ons slegs toe om een staat per e-pos te stuur. Dit is die verantwoordelik van die ouer wie die staat ontvang om te verseker dat betaling behartig word.

#### **ONS BANKBESONDERHEDE IS SOOS VOLG:**

Rekeningnaam: KAMMALAND LORRAINE  
 Bank: FNB  
 Takkode: 255355  
 Rekeningnommer: 6300 3545 605

#### **DOKUMENTE BENODIG SAAM MET INSKRYWINGSVORMS:**

**Ons benodig afskrifte van die volgende dokumente asb:**

ID van ouers/voogde

Mediese skema kaart

Kind se immunisasie op kliniekkaart

Kind se geboortesertifikaat

(Herinskrywing benodig geen bogenoemde dokumente nie, behalwe opgedateerde immunisasies.)

#### **PERSOONLIKE INLIGTING (POPI)**

Persoonlike inligting word slegs gebruik vir die volgende doeleindes:

- Fakture en state te stuur vir betaling
- Ouers en voogde te kontak ingeval van 'n noodgeval
- Ouers en voogde in te lig oor kind se akademiese en sosiale vordering
- Ouers en voogde op datum te hou met nuus in die klaskamer en enigiets rakende die skool
- Foto's te deel met ouers op Whatsapp groepies asook sekere sosiale media platvorms
- Direkte bemaking aangaande aansoeke vir die volgende skooljaar asook insamelingsprojekte
- Enigiets van belange rakende die kind, die ouer, die voog of die skool wat nie hierbo genoem is nie.

Persoonlike inligting mag slegs met 'n derde party gedeel word met die ouer of voog se toestemming, behalwe vir die volgende doeleindes:

- Indien benodig vir wetgewing soos gestipuleer deur die Kinderwet
- Indien aangevra deur Departement van Basiese Onderwys vir registrasie van skoolgaande kinders
- Indien 'n Graad R leerling se akademiese rekord aangevra word deur hul nuwe Laerskool
- Indien die kind in gevaar is en onmiddellike mediese hulp benodig word
- Verjaarsdaguitnodigings

Die skool se POPI handleiding is beskikbaar op aanvraag.

#### **WHATSAPP GROEPE:**

Elke skoolklas stig 'n Whatsapp groepie om met ouers te kommunikeer. Op ons aansoekvorm gee ons u die opsie om te kies om deel te vorm van hierdie groepie. Wanneer u deel vorm van hierdie groepie moet u kennis neem dat u telefoonnommer en naam sigtig is vir ander mense op die groep en dat die skool nie hierdie inligting privaat kan hou nie. Ons vra dat alle ouers hierdie inligting met respek hanteer en met niemand anders deel nie. Slegs skoolverwante inligting mag op hierdie groepies geplaas en gedeel word. Op ons aansoekvorm gee ons u die opsie om te kies of u kind se foto op die Whatsapp groep geplaas mag word. Ons vra dat hierdie foto's ook met respek hanteer sal word en dat slegs individuele foto's van u kind op 'n sosiale platvorm geplaas word.

#### **KENNISGEWING:**

Verskaf asb 'n kalendermaand se geskrewe kennisgewing voor u kind die skool verlaat. Kennisgewing kan gegee word vanaf e-pos, WhatsApp of 'n formele geskrewe brief. Neem asb kennis dat geen kennisgewing

aanvaar sal word na die 1ste Oktober nie. Indien iemand kennis gee gedurende hierdie tyd, sal fooie vir Oktober, November en Desember gehef word.

### **VERVERSINGS:**

Kinders bring hulle eie kospakkies en koeldrank skool toe wat geniet word tydens pouse in die oggend. Pak asb gesonde kos skool toe aangesien ons geen gemorskos, suigstokkies of gaskoeldrank toelaat nie. Alle kosblikke en bottels moet duidelik gemerk wees asb. Middagete word om 12h45 bedien vir nasorgkinders. Indien u kind 'n honger lyfie is, pak genoeg kossies in sodat u kind nog ietsie kan eet om 15h00.

Hier is idees vir gesonde peuselhappies:

- Toebroodjies of brood rolletjies
- Enige vrugte (appels, druiwe, aarbeie, piesangs, perskes, lemoene, waatlemoen, ens.)
- Groente (wortels, komkommer, kersietamaties)
- Ryskoekies
- Pretzels
- Soutbeskoutjies
- Good Morning Breakfast Biscuits (nie sjokolade geur nie)
- Mini Cheddars
- Springmielies (sout geur)
- Biltong en droëwors
- Gedroogte vrugte
- Vrugtestokkies
- Melrose kaaswiggies
- Joghurt
- Koue vleis

Vrydag peuselhappies:

Sommige ouers/voogde hou daarvan om die kinders te bederf met 'n lekkertjie op 'n Vrydag. Ons wil u daaraan herinner dat ons elke Vrydagoggend koekiedag het asook snoepie in die middag. Hou hierdie in gedagte wanneer u, u kosblikke beplan vir die week.

### **SKOOLURE:**

Skool begin stiptelik om 08h00 en maak klaar om 12h30 Maandag tot Vrydag. Indien ouers nie betyds gaan wees vir skool nie, lig asb u klasonderwysers in.

Neem asb kennis dat die skool al reeds oop is vanaf 06h30 en nasorg is vanaf 12h30 – 17h30. Ons vra dat ouers stiptelik sal wees en ons skool- en nasorgure respekteer. 'n Boete van R200 per dag sal gehef word aan laatkommers nie vooraf bespreek is nie.

### **BUITE-MUURSE AKTIWITEITE:**

Ons het buite-muurse aktiwiteite wat aangebied word vanaf die ouderdom van 3. Ons bied Future Kings Rugby, Dance Kids, Gymini Kids, Stimuzone Computers, Soccersize Stars en PlayBall aan.

### **KLEREDRAG:**

Klere moet gemaklik wees. Geen beste en mooiste klere nie, asb. Merk alle kledingstukke duidelik. Ons neem nie verantwoordelikheid vir ongemerkte klere wat wegraak nie. Kinders wat nog "glipsies" het, moet asb 'n stel skoon klere in 'n sakkie saambring. Maak asb seker dat u kind se tas groot genoeg is om alle persoonlike besittings veilig te hou. Onthou 'n hoed vir die somer.

### **AFWESIGHEID:**

Siek kinders moet asseblief by die huis bly totdat hulle volkome herstel het. Indien u kind 'n aansteeklike siekte het (bv. pienkoog, gastro, hand-voet-en-mond, masels, pampoentjies, waterpokkies, griep, ens.) vra ons dat u asb u klasonderwyseres sal inlig daaroor. Ons sal graag die res van die klas wil inlig om vir soortgelyke simptome uit te kyk. Verskaf asb 'n doktersbrief om te bevestig wanneer u kind terug skool toe mag kom.

Ons vra dat u, u klasonderwyseres sal inlig indien u kind enige van die volgende simptome deur die nag of oor die naweek gehad het: loopmagie, braking, koors (enige iets ongewoons as u normale roetine). Dit is belangrik vir ons om te weet sodat ons u kind kan monitor vir enige ander simptome. Kommunikasie is baie belangrik om te verseker dat ons kleintjies almal veilig en gesond is.

Indien u kind enige onwelkom besoekers soos haarluise het, vra ons dat u ons so gou moontlik inlig daaroor. Ons sal graag inspeksie wil doen om seker te maak dat daar nie 'n ander bron van besmetting is nie. Kinders met haarluise word dadelik huis toe gestuur en mag slegs terug kom sodra die neute almal weg is of swart verkleur het.

Wanneer dit by siek kindertjies kom, het ons almal se samewerking nodig. Ja, ons verstaan dat meeste van ons ouers en voogde werk en het min verlofdae beskikbaar het. Ons sal u slegs vra om u kind huis toe te neem indien ons glo dit is in die beste belang van u kind en die ander kindertjies in die klas.

### **MEDISYNE:**

Medisyne moet direk aan die onderwyseres gegee word sodat dit genoteer kan word. Medikasie moet asb voorafgemeet word om te verseker dat die regte dosis toegedien word. Neem asb kennis dat ons geen medisyne mag toedien sonder die ouer/voog se toestemming nie.

### **SPEELGOED:**

Neem asseblief kennis dat ons geen verantwoordelikheid aanvaar vir speelgoed wat van die huis af skool toe gestuur word nie. Kindertjies speel hardhandig met hul speelgoed by die skool, hul ruil hul speelgoed onder mekaar uit en soms vergeet hulle waar hul die speelding gebêre het. Ons het meer as genoeg speelgoed om die kindertjies mee besig te hou.

### **DISSCIPLINE:**

As 'n skool glo ons daarin dat ons en die ouers/voogde as 'n span saam moet werk om dissipline toe te pas. Ons gebruik positiewe metodes in die klaskamer as motivering vir goeie gedragspatrone.

### **SNOEPIE:**

Ons snoepie is oop elke Vrydag tussen 14h00 en 15h00. Daar sal nie snoepie wees tydens skoolvakansies nie.

### **UITSTAPPIES:**

Uitstappies word gereeld onderneem en ouers/voogde sal vooraf in kennis gestel word.

### **KOEKIEDAE:**

Elke Vrydag ontvang elke kind 'n lekkerny wat ons mammas goedgunstiglik verskaf volgens gegewe datums. Betaal asb eenmalig per kwartaal R25. Hierdie koekiegeld word gebruik om sonskerm en ander benodighede vir die klas aan te koop.

## **TOILET BENODIGHEDE:**

### **BRING ASB IN JANUARIE EN JUNIE:**

2 swart sakke

1 rol papierhanddoek

1 bottel Sunlight Liquid

1 handwasmiddel

4 rolle toiletpapier

1 boks sneesdoekies

## **SKRYFBEHOEFTE:**

### **Graad 00 (3 – 4 jaar):**

2 pakkies DIK vetkryt

4 pakke wetwipes

### **Graad 0 (4 – 5 jaar):**

1 pakkie DIK koki's (minimum van 6 kleure)

1 pakkie DIK vetkryte (minimum van 6 kleure)

1 pakkie Monami of soortgelyke uitdraaikryte (minimum van 6 kleure)

1 klein grootte potloodsakkie (vir uitdraaikryte)

2 Pritt (goeie handelsmerk, want die goedkoop make hou nie lank nie)

1 leë roomysbak (vir koki's en vetkryte)

**MAAK SEKER ALLES IS DUIDELIK GEMERK – ELKE KRYT EN POTLOOD MOET APART  
GEMERK WEES ASB!**

**ONS IS INNIG DANKBAAR OM U TE VERWELKOM AS DEEL VAN ONS KAMMALAND LORRAINE  
FAMILIE.**

ONS VERTROU DAT ONS NOG VELE VRUGTEVOLLE JARE SAAM SAL GENIET EN DAT U KIND SY/HAAR  
VOLLE POTENSIAAL SAL BEREIK VOORDAT HULLE IN HIERDIE WILDE WONDERLIKE WÊRELD TREE AS  
JONG VOLWASSENES.

**SOOS DIE GESEGDE Sê: "IT TAKES A VILLAGE TO RAISE A CHILD!"**

